



30

歷代筆記小說集成

元代筆記小說

三冊

河北教育出版社



90044549



30

歷代筆記小說集成

元代筆記小說

三册

周光培 編

河北教育出版社



90044549

元代筆記小說(共二十九種)

(全四冊)

一冊

異域志(二卷)

元·周致中 纂集

學古編(一卷)

元·吾丘衍 撰

解醒語(一卷)

元·李材 著

長春真人西遊記(三卷)

元·李志常 述

日聞錄(一卷)

元·李翀 撰

瑯嬛記(三卷)

元·伊世珍 輯

席上腐談(二卷)

元·俞琰 著

佩韋齋輯聞(四卷)

元·俞德鄰 著

墨史(三卷)

元·陸友 撰

樂郊私語(一卷)

元·姚桐壽 著

二冊

吳中舊事(一卷)

元·陸友仁 著

元氏掖庭記(一卷)

元·陶宗儀 撰

雪履齋筆記(一卷)

元·郭翼 著

輟耕錄(三十卷)

元·陶宗儀 撰

三册

稗史集傳(一卷)

元·王顯 撰

錢塘遺事(十卷)

元·劉一清 編

保越錄(一卷)

元·無名氏 撰

河朔訪古記(三卷)

元·納新 撰

日損齋筆記(一卷·附錄一卷)

元·黃潛 撰

歲華紀麗譜(一卷)

元·費著 撰

春夢錄(一卷)

元·鄭禧 撰

山房隨筆(一卷)

元·蔣正子 撰

庚申外史(二卷)

元·權衡 編輯

四册

元朝秘史(十五卷)

元·無名氏 撰

東南紀聞(三卷)

元·無名氏 撰

玉堂嘉話(八卷)

元·王恽 撰

元朝征緬錄(一卷)

元·無名氏 撰

汝南遺事(四卷)

元・王 鶚 撰

湛淵靜語(二卷)


元・白 珽 撰

本書目錄

稗史集傳(一卷)	元·王顯 撰(一)
錢塘遺事(十卷)	元·劉一清 編(二一八)
保越錄(一卷)	元·無名氏 撰(二六九)
河朔訪古記(三卷)	元·納新 撰(二八二)
日損齋筆記(一卷·附錄一卷)	元·黃潛 撰(四二七)
歲華紀麗譜(一卷)	元·費著 撰(四七六)
春夢錄(一卷)	元·鄭禧 撰(四八二)
山房隨筆(一卷)	元·蔣正子 撰(四九九)
庚申外史(二卷)	元·權衡 編輯(五一〇)

稗史集傳
(二卷)

王顯撰



宋史集傳序

古者鄉塾里閭亦各有史所以紀善惡而垂勸戒後世惟天子有太史而庶民之有德業者非附賢士大夫為之紀其聞者幾焉世傳筆談塵錄僉載友議等作目之為野史而後之修國史者不能不有取之則野史者亦古閭史之流也歟夫以四海之廣兆民之衆今其列於史傳者蓋可指數而其存不存又有幸不幸者焉就其幸者如佞幸滑稽貨殖皆得託良史以稱於後世而其不幸者則魯有大臣史失其姓壺關三老不少概見其所遺失多矣就其存者則又有蔡邕之自愧陳壽之索米韓愈之諛墓所傳者又豈可以盡信而所不傳者又豈可謂無其人哉予生季世之下不能操觚以選論當代賢人君子之德業而竊志其所與游及耳目所聞見者敘而錄之自比於稗官小說題曰稗史集傳以俟夫後世歐陽子擇焉或有位於朝法當入國史者此不著

至正十年秋八月廿日福溪徐顯克昭謹序

稗史集傳

元王顯撰

王良

王良字止善紹興諸賢人也少而穎特如老成人早遊鄉校諸先輩皆折節與之交既壯游吳興遇凌公芝岩將赴淮東憲幕辟公以行既至以歲貢士補淮東憲史未幾南人例革調轉運司授廬州錄事判官屢轉為江淞檢校朝列大夫廣東市舶提舉未四月拜江西省左右司員外郎時年六十八即慨然謝事而歸朝廷從其請以中憲大夫淮東宣慰副使致仕公耳目聰明強健如五十許人每小舟黎杖自樂於山巔水涯或遇勝景數日忘反至正己丑六月自卜壽藏於暨陽之大岩既穿穴即卧疾而卒年七十二公慷慨有大志喜論天下士慕范文正公之為人其在鹽司漕府皆有惠政越人立碑以頌德見於國子博士陳旅為之記其檢校中書自顧而言曰王某止檢校耶會松江民徐晉詣丞相府告民有匿田不占於官者數萬頃丞相命公還上議曰田實無有此姦民欲以利啖官漁民以市怨宜勿聽事遂得寢民咸德之其提舉市舶寶貨山積至者皆以賄敗公毫無所視其歸於鄉雖尊且貴則猶服被如儒生子以鄉里故獲拜公於牀下因與予言初出鄉時得見宋季之遺老觀

其典刑。莫若趙公子昂。鄧公善之。揚君仲弘。杜君伯原。皆其相與。則公之成德。蓋有所自。末歲見世變之愈下也。歎曰。吾於斯世。不忍見矣。所求速化耳。公沒二年。而四海變作。故杜君伯原。誌公之葬。有才不盡用之嘆。其為世所推惜如此。所為詩文。有王員外集二卷。虞公集為之序。藏其家。子仲揚。以公蔭任秦州如臯縣主簿。卒於官。次仲廬。今為南臺。掾皆與子善。

論曰。韓愈氏以為古今人不相及。古今人同不同。未可知也。以予觀公之風節凜然。使登於廊廟。豈讓古人哉。而用事之臣。方汲汲以南人為等第。故公才不盡用於世道。不大行於時也。及中原多故。亟擢南士。使居憲職。以風厲天下。而罷。恆不勝為天下笑。然北方大夫士。論南人之賢。必以公為巨擘。士猶賴之以蓋其媿云。

柯九思

柯九思。字敬仲。台州仙居人也。父謙。由文學掾為江浙提舉。九思以父蔭補華亭尉。不就。遇文宗皇帝於潛邸。及即位。擢為典瑞院都事。賈奎章閣。特授學士院鑒書博士。凡內府所藏法書名畫。咸命鑒定。賜牙章。得通籍禁裏。念其父謙善教。錫碑名訓。忠教侍讀學士。虞集為文以旌之。寵顧日隆。由是言者見忌。公乘間跪白上曰。臣以

文藝未技遭逢聖明而踪跡孤危殞越無地願乞補外以自效庶幾仰報日月照臨之萬一惟陛下哀憐幸甚上曰朕在汝復何憂翌日御史章入不報故事諫臣言不行則納印請去上重違諫臣意而慮危公召公諭之曰朕本意留卿而欲伸言者路已敕中書除外卿其少避俟朕至上京宣汝矣公拜且泣辭出而中書竟格詔不行未幾大行上賓公因流寓中吳予獲從公游語及先朝則誦其所為詩嗚咽流涕夫人情群居相聚則懽相離則思况以布衣獲人主之知抱烏號而無從者乎此亦人情之所至悲也至正癸未冬十月壬寅夜夢有炳義公招之者且請予筮其吉凶發著得履之乾其繇曰履虎尾不咥人凶謂公曰虎者公之生肖也履虎尾者寅之末運也夫子無用於時不能咥人而為命所困殆將有憂乎如應之則申亥之辰也公曰申寅之衝也吾畏之亥寅之合也無所忌乙巳公與臨川饒旭及予出遊於上方移舟陸庵暨臨海陳基吳人錢遠皆會丙午過靈岩遂次天平拜文正祠宿留六日始歸蓋欲厭其夢也辛亥丙夜暴得風疾越六日丁巳卒年五十四公善寫竹石始得筆法於文同嘗自謂寫幹用篆法枝用草書法寫葉用八分或用魯公撤筆法木石用金釵股古漏痕之遺意雖其妙至不言然其生意飛動有龍翔鳳翥之狀故四

方大夫士爭賢愛之。又善鑿識金石鼎彝之器。時吳人陸友號為博物。亦歎以為不及。有任齋詩集四卷。虞集陳旌為之序。公沒後。皆散失不傳。獨有詩二卷藏於家。論曰。唐鄭度以才藝通玄宗。號稱三絕。特置廣文館。命度為博士。而晚節流落。君子惜之。公亦以布衣侍天子左右。特授鑿書博士。其榮寵視度等矣。而竟流滯以死。才之不可恃也如此。予嘗讀其城南詩。有尺五城南墾田。能減漕海船之句。當時蓋嘗言之。而不以為信。後二十餘年。天子用大臣議。募江南農師。開燕薊田數百萬頃。比中原多故。海漕不繼。而公之言卒驗。雖在上前。或有封奏。公不宣泄。不能與聞。由此觀之。則公之所陳。蓋必有可裨益者矣。惜乎吾不得而知也。

陳謙

陳謙字子平。平江人也。性至孝。自幼如成人。善候父母顏色。問起居。躬飲食。寒煖之節。及長。讀書不少懈。未嘗一日遠去其親之側。溫溫雅飭。言若不出諸口。而內行甚備。其師林公寬。龔公璠。勉應鄉貢。既入院門。卒有儒士夜索挾書者。乃歎曰。是豈士所以致身之意邪。遂趨出。不復就試。隱居教授。資弟子束脩。以為養。而甘旨之奉。必極為營致。每饌饋。進跪膝下。以勸加膳。親盡一食。則心為之喜。日以為常。及父母卒。

居處葬祭悉遵禮制。哀毀逾瘠。猶疏食飲水以終其喪。初。父病重。思鰾。因市以進。而父沒。遂終身不忍食鰾。少多病。其親憂之。後每讀書。至論語。父母惟其疾之憂。則必廢書而泣。奉其兄訓尤極友愛。訓字師敬。嘗為鹽運司史。以廉能稱。及滿考歸。則甚窶。君養之如嚴父。未幾。師敬復宦遊於外。而君獨留。常熟東始里人范某。築室其里。延君與居。教其子。家東始者十年。弟子信從益衆。及范君沒。而所教之子亦卒。因還吳城京口。有士友孫子翼者。厚於君。而家甚貧。有女及笄。不能嫁。君嘗許以資助。及聞子翼病且篤。瞿然曰。吾與子翼約。其可食言乎。即持貲詣京口。訪子翼。為畢嫁事。於書無所不讀。而尤邃於太玄皇極之學。文章非古道不苟作。其有所述。必推於理。渾渾不窮。其樂府歌詩。尤能追古作者。而其一篇出。人多傳誦之。蜀郡虞公集金華黃公潛。晉甯張公翥。咸所推重。嘗欲論薦君。不屑也。晚歲。注意於易。以為四聖之經。各有攸主。而同於象。於是分卦辭象彖會粹諸傳。以附其說。題曰周易解詁。別為河圖說一卷。占法一卷。世莫得聞。至正丙申。師敬為江浙行中書省照磨。謁告還吳。適外兵薄城甚急。俄聞城陷。即呼其妻。并與君訣曰。吾雖位卑。嘗為主臣。義不可辱。吾不可出。弟處士耳。宜往避。語訖。即拔佩刀欲自刺。家人抱止。方共譬解。兵入脅使拜。

不屈遂刃其胸。君翼蔽之。乞以身代。眾以君儒冠。掖之於門。復求入。見其兄已殪。伏屍號慟。因併見害。悉投於河。其嫂與老僕王皆自經死。君妻已先卒。唯一子十餘歲。逃他舍。得脫。明日事定。其門弟子范文綱亟告於主帥。而廣陵成元章素善君。亦與言之。募人求其屍。得於篠橋下。兄弟猶相倚立水中。若抱持然。人咸以為異。官為給粟助之斂。訪其子詔以棺屬陳氏。文綱與詔奉二柩葬之。而求其所著書。皆散失。獨得其周易解詁二卷。古體詩二十四篇而已。君嘗與子講易。故知君為深。時子居東城。瀕危者數四。以幸而免。而君竟徇。兄以罹禍。其命矣夫。

論曰。太史公謂天道無親。常與善人。若伯夷。叔齊。積仁潔行而餓死。盜跖暴戾恣睢而壽終。天道之是耶。非耶。予以為太史焉知天道。夫夷齊讓國而不居。恥粟而不食。求仁得仁。失於人者。薄。得於天者厚矣。盜跖橫行於一時。得於人者。雖若厚。失於天者。厚矣。安有一息之存哉。太史焉知天道。世多疑君德尊。行修而致無妄之禍。則以天道之不可信。而不知其兄死於忠。弟死於義。妻徇其夫。奴徇其主。忠義之節。萃於一門。使今微倖富貴。而以君為疑。視君之死。雖若少後。然世有知君如夷齊。則其全於天者何如也。或又謂其不能趨吉避凶。非知易者。是大不然。夫

易者變也。通塞者時也。中正者道也。羸里之囚。陳蔡之厄。不死者天耳。聖人豈不知易而致身凶危之所哉。易曰。艮其背。不獲其身。行其庭不見其人。无咎。君其知之矣。雖魯西狩獲麟。春秋以為終事。蓋麟者聖王之瑞。而為魯所獲。魯不知其瑞。而獲之。豈麟之瑞哉。聖人蓋傷吾道之窮。而哀麟之不幸也。嗚呼。有能知予之言。則其知君也無惑焉。

葛乾孫

葛乾孫字可久。平江人也。生而負奇氣。儀狀偉特。膂力絕倫。未冠好為擊刺之術。戰陣之教。百家衆技靡不精究。及長。遂更折節讀書。應進士舉。所業出語驚人。主司方按圖索駿。不能識跡。弛之士把玩不忍捨。置君亞選。君曰。此不足為也。吾再齷齪。從諛離析。經旨以媚有司。意乎。遂不復應試。猶時時指授弟子。皆有可觀。金華黃公潛尤奇其文。勸之仕。不應。世傳藥書方論。而君之工巧。獨自天得。治疾多奇驗。自丞相以下。諸貴人得奇疾。他醫所不能治者。咸以謁君。無不隨愈。有士人患傷寒疾。不得汗。比君往見。則發狂。循河而走。君就梓置水中。使禁不得出。良久出之。裹以重繭。得汗解。其治他疾多類此。當是時。可久之名重於南北。吳人有之四方者。必以可久為